

取打三更一真自顯靈光結七竅皆通瑞氣盈正合慈悲超法
界清涼路上得長生

友人獻酒

登途上路不由吾雲霧相招本性甦萬里清風常作伴一輪明
月每爲徒山青水綠程程送酒白梁黃旋旋沽今夜一杯如有
意放開紅焰照冰壺

友求清靜

黑雲散盡月偏明照耀塵寰滅有情煩惱不生全妙理是非去
徹出深坑山頭別有微風至心下重將小雪迎面壁散人知此
味道遙路上證圓成

道藏輯要

重陽全真集

四

下胃集一

榮華不著是良因遠遠非非眼界新八識精研通不夜五門光
顯照長春由斯更許超三界依此應令出六塵一朶金蓮歸上
界圓成永不墮迷津

贈友人

大道無言不可聞禪宗坦蕩乃同羣兩般打坐誰能悟一炷香
煙孰會分奪得三光真秀氣便消四大假紛紜團圓耀彩投空
外方得逍遙似白雲

友人求問

自然消息自恬然不論金丹不論仙一氣養成神愈淨萬金難
買日高眠紅紅火焰三峯透白白蓮花五葉鮮勘破行功無作

用於斯堪可認玄玄

詠眼

如日光明似水晶
燭人鑑物愈惺惺
只觀粉貌空虛境
肯覽黃庭內外經
眸子正安難見道
童兒端坐不瞻形
教公若遇金樞子
刮盡塵睛慧自明

自悟

齒落髮華現老軀
本靈猶自戀癡愚
市中來往千人祿
山上清虛負月孤
擺徹水泉團火氣
撥開煙焰指冰湖
從茲舒展紅霞腳踏碎
純陰這轆轤

詠劍

惺惺寶劍最分明
越礪磨礪對我呈
高舉劈開新道眼
一揮斬斷舊心情
朝生瑩淨渾無染
夜吐光芒更有聲
戰退妖魔邪氣力
盡投空外化成形

仲正宅

今日清明賞水廳
堪爲佳宅總康寧
兒孫女婦渾家慶
德行荷蓮一道馨
退已進人爲仲正
休心積善勝看經
時來同處青山外
萬頃白雲作畫屏
昨宵夢請八神仙
便付鸞衣降玉編
數幅鸞牋鋪錦繡
一枝象管走雲煙
廣留教法開心地
善寫詞詩種福田
祕密天機誰得悟
害風風害獨能傳

道藏輯要

重陽全真集

五 下 胃集一